



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Wat hem betaemt.

urn:nbn:de:hbz:466:1-39385

M. Wie is een goet Christen mensch?

D. Die de gheboden Godts onder-houdt / en de
sijn leuen reguleert na Christi leeringhe.

M. Wat noemt-dy secte?

D. D'onghelooighe menschen / die hun bun-
ten de heylige Kerche houden / als Joden / Heyde-
nen / ende ketters.

M. Welcke is d'alder-quaedste, ende de alder-
schaedelijckste secte?

D. De secte der ketterijen : want dese als veur-
boden ende dienaers van Antechrist / scheuren en-
de vervalschen de salige wet Christi / die sy eens
bekent hebben.

M. En zijn die gheen ghelooighe, oft Chri-
stene menschen?

D. Neen sy. Want sy het eenigh op-recht ghe-
looue verlaeten / ende nieuwe bonden aen-nemen.

M. Hoe sal ick my tot hen-lieden draghen?

D. Ghy moet v wachten veur hen / als veur grij-
pende woluen oft venijnighe slanghen / en veur
hen boecken als veur de doodelijcke pestte.

M. Wat betaemt een Christen mensche?

D. Dat hy Iesum Christum draeghe in alle
sijn ghedachten / worden / ende werken / al-soo
dat hy niet en schijne te leuen in sijn seluen / maer
Christus in hem / soo S. Pauwels seydt.

M. Wat verstaet ghy deur Iesum Christum?

D. Den gheuen die waerachtigh Godt / ende
waerachtigh mensche is.

M. Welck is het teeken van een Christen
mensche?

D. Het op-recht Catholijck gheloooue / ende het
teeken des heylighen Cruyses / ende alle andere
dinghen